

.... e su cantài m'è gosui...

(Dialetto Cagliariitano)

o bellas manus ....

O bellas manus, bellas manus santas  
 in su ritratt''e pòbara Mammai,  
 chi no mi cànsu mai de castiai  
 che is cosas prus amblas, pèrdias e prantas!

Manus chi fuedd''e coru no mi cantas  
 tantà prezios''e 'ndi pòrri' vantai  
 sa bona grazia in su cariziai  
 chi in tempus di oru ddis froriar'in prantas!

No, po cantu variai pòzza' sa sorti  
 tra is notas prùsu stramas de s'accordu  
 chi accompàngia' dagn'attu de sa vira

nostra, no, Mamma! In custa menti iscira  
 de Issas e de Tui no, s'arregordu  
 har'a durai costanti, e in vira e in mortii...

su pizziànti.

Una prànt''e pizziànti, apillonara  
de una fòss''e laràmini a s'ardori,  
chesciàra s'è, una di, cun su Signori  
di èssi' in su mund''e is bius pagu apprezzara,

tanti chi, in su ddu nài, s'è bia dignara  
de sa grazia divin''e pònni' in frori,  
ma unu frori stupeadu de colori  
e finzas profumau che cosa rara!

Figurari sa bòria e s'arziara  
de tonu a' cùddu spòmpi''e simpatia  
a su cali de incantu è pòzia giungi!

Eppuru no chi no ha lassau de pungi',  
e, a dann''e sa bellea consegua,  
una prent''e pizziànti èst'aturara!

-----  
Pizziànti: ortica.

cudda Signora ....

1

Allòdda. A s'umbra. Sa facci bianca  
 asutt'e s'ala de su velu nieddu:  
 dd'hem'a èssi' preferia leali e franca,  
 issa assumàncus, che lam'e gorteddu!

E invecis no, chi acù'a deretta e manca  
 cun s'arma vili de su signaleddu,  
 si in mei giòi parti, scunçertara, manca'  
 de agiri a su cumand'e su riorbeddu!

Dùncas, a bell'a bellu, a parti a parti,  
 e no un onestu fracassai s'arora  
 in su momentu asu'e s'ascia struncara!

E passiènzia! 'Oli' nai chi dilicara  
 cònta' di èssi', cun mei, cudda Signora!  
 Artista. E, dùncas, cun poisia, cun arti!...

A pagu e in lugi calendìndi sfattu,  
 senz''e ddu pàrri', che candèl''e xera,  
 lassèndi in su camminu trattu trattu,  
 de mei, sfilàcciu lèbiu che de sera,

custu o cudd'èsiu a is dèntis de sa fera  
 de su tèmpus impostu che cuntrattu,  
 e andèndi, andèndi in sempri prus austera  
 malinconia, struncau ma no disfattu!

E candu t'har'a pàrri' chi mi stracci'  
 s'urtima lèur''e s'anima ind'un'ora  
 estrema e orrenda po ti 'ndi fà'i' donu,

ohi tanti a riscontrai m'har'a èssi' bonu  
 in mei e tottu, orribili Signora,  
 sa forza e s'estru de ti scòpi' in facci!!..